

# ADOLYGIAD O STRATEGAETH WEITHGYNHYRCHU Y LLYWODRAETH

## Cystadlu yn yr Economi Byd-eang: Y Strategaeth Weithgynhyrchu ar ôl Dwy Flynedd

### Gweithgynhyrchu yn y DU

Mae gweithgynhyrchu yn rhan hanfodol o economi'r DU, sef un rhan o chwech o'r Cynnyrch Mewnwladol Crynswth, ac mae'n gyfrifol am fwy na hanner allforion y DU. Ond mae'r cystadlu byd-eang yn dwysáu ac mae'n rhaid i'n gweithgynhyrchwyr fanteisio ar ddatblygiadau mewn technolegau, ynghyd ag agoriadau ym marchnadoedd y byd, er mwyn aros ar y blaen.

### Y Strategaeth Weithgynhyrchu

Cafodd Strategaeth Weithgynhyrchu y Llywodraeth ei chyhoeddi ym mis Mai 2002, gan nodi fframwaith ar gyfer gweithredu mewn partneriaeth rhwng y Llywodraeth, diwydiant, undebau a'r cyfran-ddeiliaid allweddol. Nodwyd saith 'piler' a fyddai'n angenrheidiol ar gyfer llwyddiant:

- **Sefydlogrwydd Macroeconomaidd** – caniatáu i fusnesau cynllunio at y tymor hir
- **Buddsoddi** – defnyddio prosesau ac offer modern, effeithlon i wella'r perfformiad
- **Gwyddoniaeth ac arloesi** – helpu gweithgynhyrchwyr i elwa ar sylfaen gwyddoniaeth cryf y DU i greu cynhyrchion arloesol, uchel eu gwerth
- **Yr Arferion Gorau** – codi cynhyrchedd a chystadleurwydd drwy wella'n barhaus
- **Medrau ac Addysg** – meithrin gweithlu gweithgynhyrchu medrus ac arloesol
- **Isadeiledd Modern**– darparu rhwydwaith effeithiol o gludant a chyfathrebu
- **Y Fframwaith Marchnadoedd Cywir** – darparu'r amgylchedd busnes y mae ar weithgynhyrchu ei angen er mwyn cystadlu'n fyd-eang

Mae'r Strategaeth Weithgynhyrchu ar gael yn  
[www.dti.gov.uk/manufacturing](http://www.dti.gov.uk/manufacturing)

## Beth sydd wedi'i gyflawni?

Mae'r llywyddiannau ar draws yr ystod o flaenoriaethau yn y strategaeth yn cynnwys:

- *Lansio'r Gwasanaeth Ymgynghorol Gweithgynhyrchu, sydd wedi bod yn aruthrol o lwyddiannus wrth gynnig cyngor ymarferol ar hybu'r arferion gorau*
- *Cryfhau'r ddarpariaeth medrau a hyfforddiant i fodloni anghenion cyflogwyr a'u gweithwyr, gan gynnwys **Prentisiaethau Modern a'r Cyngorau Medrau Sector***
- *Cyflwyno'r **Credyd Treth Ymchwilio a Datblygu**, sydd wedi rhoi gwerth £600 miliwn o gymorth y llywodraeth i fusnesau ar gyfer Ymchwilio a Datblygu*
- *Buddsoddi'n drwm mewn gwaith ymchwil, i sicrhau bod ein sylfaen gwyddoniaeth yn parhau yn y rheng flaen ledled y byd*
- *Sefydlu **Timau Arloesi a Thwf** mewn sectorau gweithgynhyrchu allweddol, i fynd i'r afael â heriau a chyfleoedd strategol*

## Adolygu'n cynnydd

Nododd y Strategaeth Weithgynhyrchu y fframwaith ar gyfer gweithredu – i'r Llywodraeth, diwydiant, undebau ac eraill – er mwyn sicrhau bod ein sector gweithgynhyrchu yn gwireddu ei botensial. Ddwy flynedd wedyn, am fod yna arolygon sy'n awgrymu bod rhagolygon y sector yn gwella, roeddem am bwysu a mesur yr hyn sydd wedi'i gyflawni, a'r hyn sydd eto i'w wneud.

## Cystadlu yn yr Economi Byd-eang: Y Strategaeth Weithgynhyrchu ar ôl Dwy Flynedd

Ddwy flynedd ar ôl y strategaeth wreiddiol, rydym yn cyflwyno:

- ***Adolygiad o sylwadau'r cyfran-ddeiliaid** am y strategaeth, sy'n helpu i enwi'r blaenoriaethau ar gyfer symud ymlaen, a gyflwynwyd gan Nick Brayshaw, aelod annibynnol o Fwrdd y DTI a chadeirydd Cyngor Gweithgynhyrchu y CBI.*
- ***Trosolwg** fer ar y sector gweithgynhyrchu ers 2002.*
- *Set o **ddangosyddion perfformiad allweddol** hwylus, wedi'i chynllunio i fonitro llywyddiant y sector gweithgynhyrchu yn y DU, ac a gaiff ei diweddarau yn rheolaidd.*
- *Adolygiad o'r **hyn sydd wedi'i gyflawni** ym mhob un o'r saith piler ers Strategaeth Weithgynhyrchu 2002.*
- ***Cynllun gweithredu**, sy'n dwyn ynghyd y themâu allweddol sydd wedi'u henwi yn yr adolygiad, ac sy'n nodi blaenoriaethau'r Llywodraeth, busnes a'r cyfran-ddeiliaid allweddol wrth fwrw ymlaen.*
- *Adolygiad o weithgynhyrchu yng Nghymru, yr Alban a Gogledd Iwerddon.*

## Ein blaenoriaethau at y dyfodol

Rydym wedi datblygu cynllun gweithredu sy'n enwi blaenoriaethau – i'r Llywodraeth yn ogystal ag i fusnes a'r cyfran-ddeiliaid allweddol – wrth fwrw ymlaen â'r agenda ar gyfer gweithgynhyrchu, gan gynnwys:

- *Hybu gwyddoniaeth ac arloesi*
- *Gweithleoedd medrus iawn, sy'n uchel eu perfformiad*
- *Hybu caffael cyhoeddus deallus*
- *Hybu buddsoddiadau sy'n ychwanegu llawer o werth*
- *Hybu'r arferion gorau*
- *Gwella'r ddealltwriaeth o weithgynhyrchu*
- *Gwell rheoleiddio*
- *Isdeiledd modern*

Bydd **Fforwm Gweithgynhyrchu** newydd, o dan gyd-arweiniad diwydiant a'r llywodraeth ac a fydd yn cynnwys cynrychiolwyr y Llywodraeth, cyrff masnach, undebau a diwydiant, yn ysgwyddo'r cyfrifoldeb dros weithredu'r blaenoriaethau sydd wedi'u henwi yn yr adroddiad, a chydlynu'r camau sydd i'w cymryd gan ddiwydiant, y cyfran-ddeiliaid a'r Llywodraeth.

*“Yn y Strategaeth Weithgynhyrchu a gyhoeddwyd ddwy flynedd yn ôl, nodwyd fframwaith ar gyfer gweithredu – i'r Llywodraeth, diwydiant, undebau ac eraill – er mwyn sicrhau bod ein cwmnïau gweithgynhyrchu yn cystadlu'n llwyddiannus yn y farchnad fyd-eang gynyddol. Mae llawer iawn wedi'i gyflawni ers hynny.*

*Ddwy flynedd wedyn, bydd y Fforwm Gweithgynhyrchu newydd yn bwrw ymlaen â'r blaenoriaethau sydd wedi'u henwi yn adolygiad y Strategaeth ac yn gweithredu fel llais cryf i ddiwydiant, gan adlewyrchu mor hollbwysig yw diwydiant i'n heconomi.”*

**Patricia Hewitt,**

*Yr Ysgrifennydd Gwladol dros Fasnach a Diwydiant*

**[www.dti.gov.uk/manufacturing](http://www.dti.gov.uk/manufacturing)**

- **Crynodeb gweithredol a thestun llawn y *Strategaeth Weithgynhyrchu* a'r *Strategaeth Weithgynhyrchu ar ôl Dwy Flynedd***
- *Archebu copïau printiedig o'r ddwy ddogfen am ddim*
- *Y newyddion diweddaraf yn rheolaidd am y Dangosyddion Perfformiad Allweddol*
- *Manylion cysylltu Tîm Gweithgynhyrchu y DTI*
- *Cysylltiadau â gwybodaeth am y sector a ffynonellau cymorth i fusnesau*

## ***dti***

Y DTI sy'n ein gyrru at ein huchelgais o 'ffyniant i bawb' drwy weithio i greu'r amgylchedd gorau ar gyfer llwyddiant busnes yn y DU. Rydym yn helpu pobl a chwmnïau i ddod yn fwy cynhyrchiol a hynny drwy hybu menter, arloesedd a chreadigrwydd.

Rydym yn hybu busnes y DU gartref a thros y môr. Rydym yn buddsoddi'n drwm mewn gwyddoniaeth a thechnoleg o'r radd flaenaf. Rydym yn diogelu hawliau pobl sy'n gweithio a defnyddwyr. Ac rydym yn sefyll dros farchnadoedd teg ac agored yn y DU, Ewrop a'r byd.